

Na osnovu člana 50. st. 3. i 6, a u vezi sa članom 1. stav 3. Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05 i 60/10) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine na 10. sjednici, održanoj 12. juna 2012. godine, donijelo je

**ODLUKU  
O VISINI NAKNADE PLAĆE ZA VRIJEME PREKIDA RADA DO KOJEG JE DOŠLO  
ZBOG OKOLNOSTI ZA KOJE ZAPOSLENI U INSTITUCIJI BOSNE I  
HERCEGOVINE NIJE KRIV**

Član 1.  
(Predmet Odluke)

Ovom Odlukom utvrđuje se visina naknade plaće za vrijeme prekida rada do kojeg je došlo zbog okolnosti za koje zaposleni u instituciji Bosne i Hercegovine nije kriv.

Član 2.  
(Visina naknade)

- (1) Zaposleni u instituciji Bosne i Hercegovine ima pravo na naknadu plaće za vrijeme prekida rada do kojeg je došlo zbog okolnosti za koje zaposleni nije kriv u visini svoje neto plaće iz prethodnog mjeseca, izuzimajući novčanu nagradu.
- (2) Pod okolnostima iz stava (1) ovog člana podrazumijeva se stanje prirodne i druge nesreće proglašeno od strane nadležne institucije različitog nivoa vlasti u Bosni i Hercegovini.
- (3) Prekid rada do kojeg je došlo zbog okolnosti za koje zaposleni nije kriv će se evidentirati u službenoj evidenciji kao opravdani izostanak odnosno skraćenicom "O.I."

Član 3.  
(Ograničenje kumuliranja naknada)

Zaposlenom u instituciji Bosne i Hercegovine, za vrijeme prekida rada do kojeg je došlo zbog okolnosti za koje zaposleni nije kriv, ne pripada pravo na naknadu troškova prijevoza na posao i prijevoza s posla, naknadu toplog obroka i naknadu za odvojeni život.

Član 4.  
(Obračun i isplata naknada)

Obračun i isplata naknade za vrijeme prekida rada do kojeg je došlo zbog okolnosti za koje zaposleni nije kriv vrši se uz mjesečni obračun i isplatu plaća i naknada zaposlenim u institucijama Bosne i Hercegovine.

Član 5.  
(Institucije odgovorne za sprovođenje Odluke)

Za realizaciju ove Odluke zadužuju se institucije Bosne i Hercegovine i Ministarstvo finansija i trezora.

Član 6.  
(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 86/12  
12. juna 2012. godine  
Sarajevo

**Predsjedavajući  
Vijeća ministara BiH  
Vjekoslav Bevanda**